

ՎԱՐՔԱՆ ՕՁՆԵՑԻՆ ՊԱՐՍԻՆԵՐԻ 1795—1797 թթ.
ԱՆԴՐԿՈՎԱԿԱՍ ԿԱՏԱՐԱԾ ԱՐՇԱՎԱՆՔԻ ՄԱՍԻՆ

Ռ. Տ. ՏԻՏԱՆՅԱՆ

Հայկական ՍՍՌ Մինիստրների սովետին առնթեր Մաշտոցի անվան հին ձեռագրերի ինստիտուտ՝ Մատենադարանի հարուստ ժողովածուի 4331 թվահամարի տակ պահվում է Վարդան Օձնեցու «Նոր քաղաքական և եկեղեցական պատմութիւն Հայաստան աշխարհի մեծի և փոքու» խորագիրը կրող ձեռագիր աշխատությունը¹։

Սակայն առ այսօր անհայտ են մնացել նույն հեղինակի գրչին պատկանող ներքոհիշյալ ձեռագիր աշխատությունները. 1. «Անցք Վարդան արքեպիսկոպոսի Օձնեցւոյ և ճանապարհորդութիւն նորա ի Հայաստան ի Տաճկաստան և ի Կիլիկիայ», 2. «Արձանագրութիւնք Անի քաղաքի եկեղեցեաց և վանօրէից Շիրակ և Արշարունի գաւառաց», 3. Օձնեցու «Պատմութիւն» ձեռագիր աշխատության սեագիր օրինակը, 4. Աղիգյոյալ բեկի «Ղարաբաղ նամէ» աշխատության հայերեն համառոտ թարգմանությունը՝ Վերջապես, Օձնեցու գրչին են պատկանում նաև № 8322 ձեռագրի վերջին մի քանի էջերը, ոչ պակաս հետաքրքրություն ներկայացնող մի վավերագիր՝ «Յաղագս պատճառաց բացման պատերազմին ռուսաց ընդ օսմանցիս» խորագրով։

Նշված ձեռագիր աշխատություններին մենք կանդրադառնանք մի այլ առիթով. այս հոդվածով ցանկանում հենք ներկայացնել այն նյութերը, որոնք գտնվում են Մատենադարանում պահվող № 4331 և 8822 ձեռագրերում և վերաբերում են 1795—1797 թթ. պարսիկների Անդրկովկաս կատարած արշավանքներին։

№ 8822 ձեռագրի ուսումնասիրությունից պարզվում է, որ այն բաղկացած է երկու տարբեր հեղինակների գործերից, որոնք Մատենադարանում դրվել են մի թվահամարի տակ։ Ձեռագրի առաջին մասը պատկանում է Օձնեցու գրչին, որի 1—18 թերթերը պարունակում են նրա «Պատմութիւն» աշխատության գիտական առարկայական ցանկը, որը և ունի հետաքրքիր բնույթ։ Հեղինակը իր «Պատմութեան» միջից ցանկի ձևով դուրս է գրել այն, ինչ համարել է կարևոր և ուշադրության արժանի ու նշել աշխատության էջերը. թեմաները ըստ գլուխների երբեմն չեն համընկնում, բայց բոլոր դեպքերում համապատասխանում են աշխատության էջերին։ Այս ցանկը պարզապես ամփոփում է ձեռագրի բովանդակությունը և մեծապես օգնում ուսումնասիրողին։ Նշված ձեռագրի 23—87 թերթերը Օձնեցու «Ճանապարհորդութիւն» է. այս աշխատությունը ձեռք է բերված 1937 թ. Ախալցխայից, պրոֆ. Կ. Ղաֆադարյանի ղեխավորած հնություններ հավաքող արշավախմբի միջոցով։

Նույն թվահամարը կրող ձեռագրի երկրորդ մասը (88—190 թերթերը) վերնագրված է «Պատմութիւն Գ. Արել արքեպիսկոպոսի Մխիթարեան, գիրք Զորրորդ ի 1809 ամէ ց 1865 ամն»։

¹ Անվանի պատմարան լեռն իր «Հայոց պատմության» III հատորը շարադրելիս օգտվել է Օձնեցու «Պատմութիւն հայոց» ձեռագիր աշխատությունից, իբրև սկզբնաղբյուր XVIII դարի վերջին քառորդում հայ ժողովրդի մղած ազատագրական շարժումներին վերաբերող հարցերի լուսարանման կապակցությամբ։

Հայկական ՍՍՌ Գիտությունների ակադեմիայի «Տեղեկագրի» 1945 թ. № 6-ում զետեղված է պրոֆ. Մ. Գ. Ներսիսյանի հաղորդումը Օձնեցու «Պատմութիւն» ձեռագիր աշխատության մասին, ուր տրված է այդ աշխատության հակիրճ բովանդակությունը։

Մատենադարանի «Բանբեր»-ի № 4-ում տպագրված՝ բանասեր Առատուր Մնացականյանի «XVIII դարում գրված հայ-ռուսական դաշնագրության երկու նախագծերի գնահատման հարցի շուրջը» խորագրով հոդվածում և Վ. Գրիգորյանի «Երևանի խանությունը XVIII դ. վերջում» ուսումնասիրության մեջ նույնպես օգտագործված է Օձնեցու հիշյալ ձեռագիր աշխատությունը։

2 Այս աշխատության մասին նույն ձեռագրում արված է հետևյալ ծանոթագրությունը. «Սրա սկիզբն ու վերջը գտնվում է Ամատունի Սահակ վարդապետի մոտ. որք համառոտութիւնը հրա-

Վարդան Օձնեցու «Պատմութիւն...» ձեռագիր աշխատության և նրա արտաքննապես կենսագրական և որագրություն թվացող «Նախապարհորդութեան...» մեջ արժեքավոր փաստեր են արձանագրված XVIII դարի և XIX դարի առաջին կեսի ընթացքում Հայաստանի ու հարևան երկրների սոցիալ-տնտեսական, հասարակական ու քաղաքական կյանքում տեղի ունեցած կարևոր իրադարձությունների մասին: Նրա այս աշխատությունները արժեքավոր են իրեն ափսոսանքով ու ակառնջալուր հեղինակի դործերու Վարդան Օձնեցին նշում է, որ «Պատմութեան» նյութերի ուսումնասիրությանը ձեռնամուխ է եղել 1847 թ., հավաքել է բազմաթիվ փաստեր բանիմաց մարդկանցից ու ափսոսանքներից, օգտագործել է մի շարք հիշատակարաններ, տարեգրություններ, զանազան անձանց նամակներ, կաթողիկոսների ու պատրիարքների կոնդակներ, որոնք գտել է Հայաստանի տարրեր քաղաքներում ու վանքերում (Թիֆլիսի, Գանձակի, Հաղպատի, Սանահնի, Եւրսի, Կոստանդնուպոլսի, Կիլիկիայի, Սերաստիայի³):

Այնպես է նաև, որ Վարդան Օձնեցին իր «Պատմութիւն» շարադրելիս իրեն սկզբնաղբյուր առաառին օգտվել է 1795—1797 թթ. պարսիկների Անդրկովկաս կատարած արշավանքի ժամանակակից աղբյուրների հեղինակ Միրզա Ալիդյոզալ բեկի «Ղարարադ նամէ» (Ղարարադի պատմություն) աշխատության հայերեն թարգմանությունից, որը ներկայումս պահվում է Մաշտոցի անվան մատենադարանում, 4463 թվահամարի տակ: Օձնեցու պատմության հինգերորդ զուգոր սկսվում է հետևյալ խոսքերով. «Այսուհետև մենք մեզ քաղել ի գրեթե ժամանակակից պատմիչ պարսիկ Միրզայ Ալի Գեօղալի, որ սկիզբն արարեալ է գրել զանցս և սկզբնաղբյուրնս Սարուջայ ասացեալ տիրող խանից Ղարարադում⁴: Վարդան Օձնեցու «Պատմութեան» և Միրզա Ալիդյոզալ բեկի «Ղարարադ նամէ» աշխատության այն դրոշմների համեմատությունները, որոնք եզրված են Աղա-Մուհամմադ խանի Անդրկովկաս կատարած արշավանքին, բերում են այն հանգաման, որ Վ. Օձնեցին օգտվել է Միրզա Ալիդյոզալ բեկի «Ղարարադ նամէ» աշխատության ոչ թե պարսկերեն բնագրից, այլ նրա հայերեն թարգմանությունից: Այստեղից հղակացություն՝ կամ Օձնեցին ինքն է թարգմանել այդ գործը և կամ իր ձեռքի տակ է եղել նրա հայերեն թարգմանությունը, որից և տեղ-տեղ օգտվել է բառացիորեն (տե՛ս Վարդան Օձնեցու «Պատմութեան» էջ 83 և Միրզա Ալիդյոզալ բեկի «Ղարարադ նամէ», էջ 17): Մենք հակված ենք կարծելու, որ այն թարգմանված պետք է լինի Վ. Օձնեցու կողմից, երբ վերջինս Շուշի և Գանձակ քաղաքներում վարում էր հոգևոր տեսչի պաշտոնը:

Այսպիսով, օգտագործելով իրեն հայտնի բոլոր սկզբնաղբյուրները, Օձնեցին թողել է ուշագրավ աշխատություններ, որոնցում արծարծված հարցերը կամ նորություն են, կամ հավաստուի են պատմական այս կամ այն իրողությունը և կամ լրացնում ու լուսարանում են պատմադրությանը հուզող զանազան խնդիրներ:

* * *

1783 թ. Հյուսիսային Կովկասի Գեորգիևսկի մարզում կնքվում է ռուս-վրացական դաշնագիրը, որով ամրանում էին Ռուսաստանի զորքերը հարավում, իսկ Վրաստանը, բնդունելով ռուսական կայսրության հովանավորությունը, թոթափում էր պարսից դարավոր լուծու Ալդ հանգամանքը խիստ անհանգստություն ու մտահոգություն է պատճառում Ռուսաստանի թշնամիներին՝ թուրքական սուլթանին ու պարսից շահին, ինչպես և նրանց թիկունքում կանգնած մեծ տերություններին՝ Անգլիային ու Ֆրանսիային: Սրանք շահնդուրմելով ռուսական դիվանագիտության հաջողությունները Արևելքում, հրահրում են Թուրքիային ու Պարսկաստանին՝ օգտվելու ռուս-պարսկական հակասություններից, դժվարություններ ստեղծելու ռուսների համար, նրանց դեմ ոտքի հանելով ռուսական սահմանների մահմեդական բնակիչներին, Կովկասյան լեռնականներին⁵:

պարակված է նախ Մոսկվա, Մսեր Մագիստրոսի ձեռքով, ապա Թիֆլիս՝ Ալեքսանդր Երիցյանի միջոցով: Սրել արքեպիսկոպոսի Պատմութիւնը պարունակում է իր մեջ 1765 թվականից մինչև 1882 թվականը՝ Սիմոն, Ղուկաս, Գավիթ, Գանիկ, Եփրեմ, Հովհաննես, Ներսես, Մատթեոս և Գևորգ Գ. կաթողիկոսների օրերը: Թե ում կողմից և երբ է գրված այս ծանոթագրությունը, հայտնի չէ:

3 Տե՛ս Մատենադարան, ձեռ. N° 4331, էջ 3:

4 Մատենադարան, ձեռ. N° 4463, էջ 35ր:

5 Տե՛ս А. Р. Иоаннисян, Французское посольство в Иране 1796 г. («Советское востоковедение», № 1, 1956, էջ 162): О. Марков, Присоединение Грузии к России в 1801 году («Историк-марксист», М., 1940, № 3, էջ 62):

Դեռևս 1783 թ. վրաց Հերակլ թագավորը Պետերբուրգում դռնվող իր որդուն ուղղված նամակում դանդաղում էր, որ Ախալցխայի փաշան յի դադարում վրաց ժողովրդին տնհանգստացնելուց, հրահրում է Իսղաստանի լեղդիներին, որոնք հարձակումներ են դործում, ավերում են երկիրը, զերեվարում բնակչությանը Հերակլը հանձնարարում է իր որդուն բանակցությունների մեջ մտնել, ոուսաց արքունիքի հետ, որպեսզի վերջինիս օգնությամբ կանխվեն Ախալցխայի փաշայի ոտնձգությունները վրաց ժողովրդի նկատմամբ⁶:

Այդ նույն ժամանակներում էր, որ Սուլեյման փաշան գաղտնի բանակցությունների մեջ էր մտնել Ավարայի Ումմա-խանի հետ, կաշառում և դինամիթերքներ էր մատակարարում, զրգռելով նրան ընդդիմ անդրկովկասյան ժողովուրդներին⁷:

Ահա այս իրադարձությունների մասին մեր պատմական գրականության մեջ պահպանված սակավաթիվյա փաստերը հավաստվում են նաև Վարդան Օձնեցու մեզ թողած հետաքրքիր տեղեկություններով: Վերը նշված նրա ձեռագիր աշխատություններում բազմաթիվ հիշատակություններ կան երկրում տիրող անապահով վիճակի մասին. «Յորում ժամանակի լեռնականքն Կովկասու լեղկիքն խումբ-խումբ մտանէին ի Հայաստան.— դրում է նա,— և զողարար յափշտակէին գմանկունս նորա, որով բարգավաճէր վաճառականութիւն գերեաց ի Տաճկաստան և ի Պարսսս»:

Խոսելով լեռնականների կողմից լողվա մի շարք դյուղերի ավերման մասին, Օձնեցին գրում է. «Իայց շուտ ժամանեաց աներումն գիւղօրէից Կողէսայ և Նդիտանքայ ի Կովկասականացեաց»:

Նույն դավառի ազդարնակչության համար ստեղծված քաղաքական ու անտեսական ծանր վիճակի մասին են վկայում Օձնեցու հետևյալ խոսքերը. «...միշտ անհանգիստ էին յառապատակութենէ ղեկաց... դաւուրս իւրեանց անցուցանէին օձնեցիք ի քարածայուս և յամուրս Զաթին տաղայ որ հանդէպ Օձնոյ կայ յարեւից կուսէ»:

Խոր ընկալելով ժամանակի դառնությունը, Օձնեցին բացականչում է. «Աւագ ժամանակին, հողագործութիւն լուեալ էր յահէ ղեկաց և Խարաքամայ թուրքաց, որք անդադար յափշտակէին մինն գմարդիկք և միւսն ղեղինս, դրեթէ ապրէին մարդիկք վայրենի սրսովք և մեղերք քարաձանձի, սակաւք էին որք կարող էին պահել զանասունս և վարէին սերմանէին և հեճէին ահիւ և երկիւղի»¹⁰:

«Պատմութեան» մեջ նա առավել հանգամանորեն նկարագրում է կաշառված լեռնականների ավերածությունները Ալավերդու պղնձահանքերում ու նրա շրջակա բազմաթիվ գյուղերում: «Օմար խանն՝ զումարեալ ղվից հազար տաղստանցի հեծելազօրս էանց ընդ Կուր գետ ի դաշտն Գազայ (Հաղախ) և անդէն շուեալ ընդ Զորոփորաւ ի խոշորնի, եմուտ ի պղնձահանքն Ախտալի կոչեցեալ մերձ ի Հաղբատ, ուր ժողովեալ էին ի շրջակայ տեղեաց բազմութիւն արանց ու կանանց աշխատէին ի գործ պղնձոյ, և արծաթոյ, առեալ ղամենայն հարստութիւնս հանքիցն այնմիկ, զերի վարեաց ղամենեսեան զրնակիչս նորա որ ըստ մեծի մասին էին յաղգէն հայոց և յունաց, քակեցին ղմասն ինչ ի հոյակապ շինուածոց եկեղեցոյն Ախտալիոյ, հուր հարեալ այրեաց զտունս և ղամենայն շինուածս ապարանից և տանց նոցա, որք կան անբաւ մինչև ցայսօր: Ապա ինքն անցեալ ղօրօք և ղերեօք ընդ ձորամէջս: Կայան բերդի թողեալ զՀաղբատ և զՍանահին վասն ամրութեան նոցա և ամրութեան տեղեացն, անցեալ նստաւ ի գիւղն Օձուն զաւուրս ինն, անդէն ասպատակ սփռեալ ղզօրս իւր ի շրջակայ գիւղօրայս հայոց Իսեղա, Շնեղայ, Սանահնայ և այլոց, որքան և ձեռնհաս գտաւ գերեաց ի նոցանէ զբազումս ի փախստէիցն միայն, որք ոչ էին ի Սղնախի, իսկ ի շրջակայ գիւղօրէից բազմութիւնք հայոց Սղնախ արարեալ ի Կրխտարա դօտից ասացեալ տեղւոջ քարափամիջին Իսեղայ և այլք սփռեալ յամուրս քարածայուից Զաթինտաղայ պահեցին ղանձինս ի զերութենէ ղեկաց: Իսկ Օման խան յետ մեալոյ ինն որ ի հայրենի գիւղն իմ Օձուն, առեալ ղամենայն գերիս իրրեւ մի հազար անձինս շահաւ և ղյոյն, և ղամենայն աւար նոցա էանց ընդ հովիտս Լոռու Ջիլիդիդուղ ասացեալ տեղեաւ, եմուտ յամուրս Տայոց ի քաղաքն Ախալցխայ ուր վաճառեալ զնոսս հազարացոց (թուրքերին— Ռ. Տ.) ինքն դարձաւ ամենայն ղօրօք ի Տաղստան»¹²:

6 А. А. Цагарели, Грамоты и другие исторические документы XVIII столетия, т. II, вып. II, СПб., 1902, էջ 87:

7 Տե՛ս Վ. Ի. Գրիգորյան, Ծրեանի խանությունը XVIII դ. 2-րդ կեսին:

8 Մատենադարան, ձեռ. № 8822, էջ 25ա:

9 Նույն տեղում, էջ 25ա—25բ:

10 Մատենադարան, ձեռ. № 8822, էջ 26:

11 Ավարայի Ումմա-խանին Օձնեցին սխալմամբ անվանում է Օմար խան:

12 Մատենադարան, ձեռ. № 4331, էջ 70ա:

Օձնեցու այս նկարագրությունն ամբողջանում է Բուտկովի հետաքրքրական հուշերով այն մասին, թե ինչպես այդ ժամանակ Վրաստանում գտնվող սակավաքանակ ուսական զորքերը հետապնդում են Ումմա խանի հրոտակախմբերին։ Այս մասին նա գրում է. «1785 թ. սեպտեմբերի 22—29-ը մենք կանգնած էինք անշարժ, որովհետև անհնարին էր ամբողջ զորամասերով տնցնել զժվարին ու անտառապատ կիրճերով, հատկապես հրետանու համար անանցանելի ճանապարհներով հակառակորդը կանգնած էր Ախթալայում։ Մենք սպասում ու հետապնդում էինք, թե ուր է ճանապարհվելու 26-ին հակառակորդը, խուսափելով ուսների հետ կովի մեջ մտնելուց, ձգվեց դեպի վեր Գերետի եզերքով, նույնպես զժվարին ու անանցանելի կիրճերով, Լոռու բերդի և Սոմխեթի ճանապարհով և կանգ առավ Ուզունլար գյուղի մոտ, մեզնից 45 վերստ հեռավորության վրա։ Նրանք հրդեհի մատնեցին Լոռու գյուղերը, հացը, խոտը և այն ամենը, ինչ հնարավոր էր ոչնչացնել»¹³։

Նկարագրված զեպերը հավաստված են նաև Հարություն Արարատյանի ուսուցիչ, զեպերի ժամանակակից Հովհան Ոսկերչյանի կողմից. «Իսկ զկնի երից ամաց դառնալոյ Հերակլոյ ի Երևանա,— գրում է նա,— Սմի խանն լեզկեաց ժողովեալ զկովկասեան զօրս իւր ի (30000) և դիմէ ի Վրացտուն և զանց արարեալ զրազում զաւաոթ հասանի ի մաստանն Լօուոյ որ մերձ է երկու ժամու ճանապարհի Սանահնու և Հաղպատու»¹⁴։ Այնուհետև Ոսկերչյանը պատմում է, թե ինչպես Մատանի բերդ—ամրոցը 8 օր պաշարելուց հետո Ումմա խանը հրամայում է իր զորքերին, որ նրանցից յուրաքանչյուրը մոտակա անտառից մի խուրձ փայտ բառնալով իր ուսերին, տանի թափի ամրոցի պարիսպների տակ։ Նրր այս միջոցով ստեղծված նոր պատնեշը բարձրանում է և հավասարվում ամրոցի պարսպին, նրա զորքերը դրոհով մտնում են ամրոց, սրախողխող անում մերձակա գյուղերից հավաքված և այնտեղ ապաստանած ողջ բնակչությանը։ Այս կոիվների ընթացքում իրենց արիարար են դրսևորում հույները, որոնց Ումմա խանը անխնա ոչնչացնում է։ Լոռում կատարած ավերածություններից հետո Ումմա խանը ավարն ու գերիներին առած շարժվում է Ախալցխա՝ Սուլեյման փաշայի մոտ, ապա հարձակվում Վրաստանի Վախումի կոչվող բերդի վրա, հրի ու սրի մատնում այն, զերեվարում կանանց ու երեխաներին։ Ձմեռելով Ախալցխայում, Ումմա խանը գարնանը դիմում է վրաց Հերակլ արքային, խնդրելով թույլ տալ Վրաստանի վրայով վերադառնալ իր երկիրը, սակայն Հերակլից մերժում ստանալով, արշավում է Երևանի վրա։ Քաղաքն անմարդարնակ էր, նրա բնակիչները, լսելով Ումմա խանի վայրագ արշավանքի լուրը՝ ամրացել էին Երևանի բերդում, երկրի անմատչելի վայրերում։ Նրա զորքերը մտնելով Աշտարակ գյուղը, նույնպես այն անմարդարնակ են տեսնում, որովհետև սարսափահար ժողովուրդը մտել էր թաքստոցներ։ Այստեղ նրանց հաջողվում է բռնել մի քանի այգեպանների, որոնց և զերեվարում են։ Այդպես, ահա, Ումմա խանն իր զորքերով անցնում է Շուշի, որտեղից էլ վերադառնում է Ավարաիճ։

Պատմական սկզբնաղբյուրները մեզ հնարավորություն են տալիս շատ ավելին ասելու կովկասյան լեռնականների կողմից անդրկովկասյան երկրների վրա կատարած հարձակումների, ավերածությունների, զերեվարությունների ու կողոպուտների մասին։ Այս ամենը, ինչպես ասվեց, տեղի էր ունենում Խուրթիայի թելադրանքով ու նրա թիկունքում կանգնած Անգլիայի ու Ֆրանսիայի դրյամամբ և ուղղված էր Ռուսաստանի արևելյան քաղաքականության դեմ։ Այս հարցը թեև դուրս է մեզ հետաքրքրող խնդրի շրջանակներից, սակայն գրավում է մեր ուշադրությունը այնքանով, որքանով կապված է 1795—1797 թթ. պարսից արշավանքի նախօրյակին Անդրկովկասում ստեղծված տնտեսական ու քաղաքական ծանր վիճակի հետ։

XVIII դարի վերջում անդրկովկասյան ժողովուրդներին մտահոգում էին ոչ միայն կովկասյան լեռնականների անընդմեջ հարձակումները, ավերածություններն ու ավարառությունները, այլև պարսից Աղա-Մուհամմադ խանի կողմից սպառնացող ահավոր վտանգը։ Վարդան Օձնեցին պատմում է, թե ինչպես 1795 թ. պարսիկների Անդրկովկաս կատարած արշավանքի նախօրին Լոռու բնակչությունը Ղազախի բնակչության հետ միասին շարժվում է դեպի Թիֆլիս, վերահաս վտանգից փրկվելու հույսը կապելով վրաց թագավորության հետ։ Փախստականների մեջ էին նաև Օձնեցու ծնողները, որոնք ճառելով դուստր Մարիամ անուն վեց ամսեայ հասակի 1795 ամին տեղադն փախեան ընդ բնակչաց Ղազախու յահէ Մահմատ շահի ի սահմանս Քարթ-

¹³ Տե՛ս Ի. Բ. Б у т к о в, Материалы новой истории Кавказа с 1722 по 1803 г., часть вторая, СПб, 1863, էջ 181—187։

¹⁴ Հ. Ոսկերչյան, Յիշատակարան ազգային արդևան պատմութեան, «Կոռնկ հայոց աշխարհին», 1862, № 4, էջ 281։

¹⁵ Նույն տեղում, էջ 283—286։

լայն¹⁶։ Նա միաժամանակ արձանագրում է և այն տխուր փաստը, թե ինչպես վրաց ֆեոդալներն օգտագործում էին այդ առիթը՝ փախստականներին ճորտացնելու համար. «...Ծորոց քաղումք ոչ ևս դարձան անտի մինչև ցայսօր, որոց ղորդիս և թոռունս իշխանք և ազնուականք վրաց արարին իւրեանց իբրև արծաթագին ծառայ (ճորտ), որը մինչև ցայսօր կան մնան ի նոյն անկապ կապունս Տոռանց»¹⁷։

Աղա-Մուհամմադ խանի Անդրկովկաս կատարած արշավանքին Օձնեցին նվիրել է իր «Պատմութիւն հայոց» ...աշխատության երկու գլուխները («Յաղագս մտանելոյ ի Հայաստան ներքինի Մահմատ խանի, աւերութեան և գերութեան Թիֆլիս քաղաքի» և «Վասն գնալոյ Աղա Մահմատ խանի ի Պարսկաստան և դառնալոյ ի Շուշի և սպանման նորա անգ»):

Թեև Օձնեցին անմիջականորեն ականատես չի եղել իր նկարագրած իրադարձություններին և դրանցից հեռու է մի քանի տասնամյակով, բայց նրա պատմությունն ունի սկզբնաղբյուրի անվերապահ ուրժեք։ Պատմությունը շարադրված է խնամքով, ականատես ու ականջալուր մարդկանց պատմածների հիման վրա։ Այսպես, նա գրում է, որ իր կողմից ներկայացվող այս պատմությունն արել է նաև Հաղպատի վանքի միաբան Պետրոս վարդապետը, Շնող գյուղից, որն այդ օրերին գտնվել է Թիֆլիս քաղաքում¹⁸, ապա փախել Հաղպատի վանքը, ուր և մահացել է 1846 թ., 80 տարեկան հասակում։ Այսպես, ուրեմն, վարդապետը դեպքերին ականատես էր. Թիֆլիսի ավերման ժամանակ նա եղել էր 29 տարեկան, որից հետո ապրել էր ևս 51 տարի։ Այս վարդապետի մասին Օձնեցին գրում է. գերեզմարվածների թվում էր 10-ամյա մի աղջիկ, որը լեռը բարձրանալու ժամանակ ուշաթափ ընկնում է գետին. գերողները հարկադրում են վարդապետին շալակել աղջկան և բարձրացնել լեռան գագաթը¹⁹։

Վերը բերված հավաստիացումները մեզ իրավունք են տալիս Աղա-Մուհամմադ խանի Անդրկովկաս կատարած 1795—1797 թթ. արշավանքների մասին Վարդան Օձնեցու մեզ թողած նկարագրությունը համարել մեր ժողովուրդների պատմության այդ դրվագը ներկայացնող լավագույն աղբյուրներից մեկը։ Այժմ անդրադառնանք փաստերին։

* * *

Հայտնի է, որ XVIII դարի վերջում Պարսկաստանի ֆեոդալական տները բաժանվել էին երկու հիմնական խմբի՝ հյուսիսային իրանում՝ Ղաջար ցեղի գլխավորությամբ. հարավային իրանում՝ Զենդ ցեղի գլխավորությամբ։ Այս երկու խմբավորումների միջև տեղի ունեցած երկարատև զահակայական կռիվներում հաղթող է հանդիսանում հյուսիսայինը։ Ղաջար ցեղի հաղթանակը սովետական պատմագրությունը բացատրում է հետևյալ իրողությամբ²⁰։

Դարավերջում որոշակի է դառնում իրանի հյուսիսային նահանգների տնտեսական առաջավոր գերը, որտեղից արտահանվում էին մետաքսի հումք և բամբակ։ Այդ նահանգների վրայով էին անցնում քարավանային ճանապարհները, որոնք Թուրքիան ու Ռուսաստանը կապում էին Միջին Ասիայի երկրների հետ։ Այստեղ էին գտնվում Կասպիականի նավահանգիստները. այստեղ էր կատարվում առևտուրը Պարսկաստանի հետ։ Օրավուր ընդարձակվող առևտրական կապերը Ռուսաստանի հետ մեծ նշանակություն է ստանում հյուսիսային իրանի տնտեսական կյանքի հետադա զարգացման համար։ Իրանի հարավային նահանգները, շնայած Քերիմ խանի ջանքերին, չկարողացան հասնել այնպիսի վիճակի, որի մեջ գտնվում էին նրանք մինչև ֆղանների ներխուժումը։ Այդ ժամանակ Պարսից ծոցից արտահանվող ապրանքներն այն նշանակությունը չունեին, ինչ առևտուրը Ռուսաստանի հետ, հետևապես Հյուսիսային իրանի ֆեոդալներն ավելի հարուստ և ուժեղ էին դարձել, քան հարավային շրջանների ֆեոդալներն էին, և Աղա-Մուհամմադ խան Ղաթարը զենդերի դեմ վարած պայքարի ընթացքում կարող էր հենվել անհամեմատ մեծ նյութական միջոցների, հետևապես մեծ ռազմական ուժի վրա, քան նրա հակառակորդները՝ տնտեսական իր նշանակությունը կորցրած հարավային իրանի կառավարողները²¹։

Անդրադառնալով Աղա-Մուհամմադ խանի զենդերի դեմ վարած կռիվներին, Օձնեցին գրում է. «Հաւուրս այսոսիկ յետ երկար պատերազմելոյ Մահմադ շահի ընդ Շիրազու, առնու ղՔիրման

¹⁶ Մատենադարան, ձեռ. № 8822, էջ 7։

¹⁷ Մատենադարան, ձեռ. № 3441, էջ 86ա—86բ։

¹⁸ Կայծենի, ըստ Օձնեցու՝ Շնող գյուղ, տե՛ս Վ. Օձնեցի, Պատմութիւն, էջ 38բ։

¹⁹ Տե՛ս Մատենադարան, ձեռ. № 4331, էջ 88բ։

²⁰ Տե՛ս «История Ирана с древнейших времен до конца XVIII века», Ленинград, 1958, էջ 327—328։

²¹ Տե՛ս И в а н о в, Очерк истории Ирана, Москва, 1952, էջ 113։

քաղաք նորա, աւերէ զնա հրով, և զամենայն բնակիչս նորա ի սուր մաշէ զլուծվալի խանն Շիրազայ, ձերբակալ արարեալ հանէ զիրկու աչս նորա, պատուհասեալ կուրացուցանէ զնա և ամենայն գերդաստանեօք ածէ զնա կապանօք ի Քենհրան, նուաճեալ սպառեաց ի սպառ թագաւորագինս Շիրազայ, որք էին ի թոռանց նատր Շահի և սկսաւ հարստութիւն ազգին զաջարաց ի Պարսկաստուն ի սոյն ներքինի աղայ Մահմադ խանէն²²։ Այսպիսով, Աղա-Մուհամմադ խանը պարսից զահին տիրելուց ու երկրի ներքին խռովութիւնները վերջնականապէս ճնշելուց հետո իր առաջնահերթ խնդիրն է համարում վերականգնել Բրանի տիրապետութիւնը։ Անդրկովկասի խանութիւնների ու վրաց երկրի վրա։ Այդ նկատառումներով Պարսկաստան են հրավիրվում ոչ միայն Երևանի, Նախիջևանի, Ղարադաղի, Նուխու, Գանձակի խաները, այլև անվերապահ հպատակութիւն է պահանջվում Ղարաբաղի Իրրահիմ խանից ու վրաց Հերակլ II թագավորից։ Նրան է ներկայացվում մի վերջնադիր, որով պահանջվում է խզել բարեկամական հարաբերութիւնները ռուսների հետ, ճանաչել Բրանի տիրապետութիւնը, հակառակ դեպքում, ասված է վերջնագրում, «կարշավենք Վրաստան, կթափենք ռուսների ու վրացիների արյունը, որից կստեղծենք Կուր գետի նման մի գետ»²³։ Այն մասին, որ Աղա-Մուհամմադ խանը Պարսից դահին տիրանալուց ու երկրի ներքին գործերը փոքր ինչ կարգավորելուց հետո նախապատրաստվեց նվաճելու անդրկովկասյան ժողովուրդներին, Օձնեցին գրում է. «Սա մարեալ զՊարսկաստուն ամենայն հակառակաց իւրոց դիմեաց զօրու ծանու ի Հայաստան Գաւրէմ, կարգէ անդ ղեղրայր իւր Ալի-Ղուլի խան կուսակալ ի վերայ հայոց և ուղևորէ զնա ի վերայ Երևանայ երկոտասան հազար զօրօք առ ի հնազանդեցուցանել զիշխեցողս այնր կողմանց, որք նախապէս հպատակեալ էին ինքեան, և ապա ապստամբեալ, մտեալ էին ընդ լծով Հերակլ արքային վրաց, Եւ ինքն անցանէ Վրդաւիլ և Սիւնիք և յԱրցախ գաւառս»²⁴։ Օձնեցին պատմում է նաև, թե ինչպէս, երբ լուր է ստացվում Ալի-Ղուլի խանի Հայաստան մտնելու մասին, Ղուկաս կաթողիկոսը շտապում է փրկել էջմիածնի վանքի ունեցվածքը։ Նա այն բաժանում է երկու մասի, մի մասն ուղարկում է Քիֆլիս, իսկ մյուս մասը՝ Կարս, հուսալով, որ եթե մեկը կորչի, գոնե մյուսը կփրկվի, մինչև որ Աղա-Մուհամմադ խանի հրոսակախմբերը կհեռանան իր երկրից։ Սակայն ստացվում է այնպէս, որ Քիֆլիս ուղարկածը թալանվում է պարսիկների կողմից, իսկ Կարս ուղարկված թանկագին ակնեղենները յուրացնում են տեղի հոգևորականութիւնն ու իշխանները և միայն մնացած անարժէք իրերն են վերադարձվում էջմիածին։

Մեծ արժէք են ներկայացնում Վարդան Օձնեցու տեղեկութիւնները պարսիկների 1795 թ. արշավանքի մասին Երևանի խանութիւն վրա, տեղեկութիւններ, որոնց չենք հանդիպում մեծ հայտնի և ոչ մի սկզբնաղբյուրում։ Նա գրում է, որ Արարատյան երկիրը մտած զորավար Ալի-Ղուլի խանը Երևանի խանից՝ մանկահասակ Մուհամմադից պահանջում է հնազանդութիւն, սակայն Երևանի խանը և երկրի ավագանին որոշում են դիմադրել թշնամուն, մեծ հույսեր կապելով նաև վրաց Հերակլ II արքայի օգնութիւն հետ։ Ժողովուրդը պատրաստվում է պաշտպանողական մարտերի, նրա մի մասը հավաքվում է Երևանի բերդում, թվով 7000 հոգի, մնացած մասը ամրանում է անմատչելի վայրերում՝ լեռներում ու քարանձավներում, պատրաստվելով պարտիզանական կռիվներին²⁵։

Օձնեցին գրում է, որ Պարսից զորքերը, մտնելով Արարատյան դաշտը, կերակրվում էին էջմիածնի և նրա շրջակա գյուղերի կողմից մատակարարվող պարենամթերքներով²⁶։

Ուշագրավ տեղեկութիւն է հաղորդում Օձնեցին այն մասին, որ Աղա-Մուհամմադ խանի զորքերի Արարատյան գավառ մտնելու և այնտեղ կատարած անօրինութիւնների ամբողջ պատմութիւնը Ղուկաս կաթողիկոսը դրի է առել և ուղարկել է Պոլսի պատրիարք Զարաթիային, խնդրելով վերջինիս հրատարակել այն։ Մինչդեռ պատրիարքը ավելի դիվանագետ դառնալով, պատասխանել է Ղուկաս կաթողիկոսին, որ քաղաքական մթնոլորտը նպաստավոր չէ, ուստի պետք է հրաժարվել այդ փաստերը հրապարակելու մտքից, որը կործանարար կարող է լինել իր ժողովրդի համար²⁷։

Զկարողանալով գերազանց ուժերով ընկճել տեղի բնակչության դիմադրութիւնը և գրավել Երևանի բերդը, Ալի-Ղուլի խանն իր դայրույթը թափում է Արարատյան գավառի գյուղերի ու

²² Մատենադարան, ձեռ. № 4331, էջ 79։

²³ «Сборник материалов для описания местностей и племен Кавказа», выпуск 29, Тифлис, 1901, էջ 147—148։

²⁴ Մատենադարան, ձեռ. № 4331, էջ 79ա—79բ։

²⁵ Տե՛ս նույն տեղում, էջ 83բ—84բ։

²⁶ Տե՛ս նույն տեղում, էջ 85ա։

²⁷ Նույն տեղում էջ 85ա։

րնակավայրերի անմեղ բնակչության վրա. «Իսկ Ալի-Ղուլի խան սարգար յետ բազում անգամ յորդորելոյ ղխանն Երեանայ դալ ի նազանդութիւն շահին, և ընդդիմանալոյ նորա զայրացեալ յոյժ պատերազմեցաւ ընդ բերդականացն Երեանայ զաւուրս ինչ, և անդէն սփռեալ զգօրս իւր յԱյրարատ գաւառ ասպատակեաց զամենայն երկիրն Դառնոյ առ Հրազդան ղետով թանդեալ ուսերեաց զշինուածս տանց և հուր արկեալ այրեաց զամենայն արմտիս երկրի նոցա, զոր յայն- ժամ ննձեալ ղիգեալ էին»²⁸։

* * *

1795 թ. ամռանը Աղա-Մուհամմադ խանը 33 օր պաշարելով Շուշի ամրոցը, չկարողացավ զրազել այն. նա գործադրեց բոլոր ննարավոր միջոցները՝ հարձակում, սպառնալիք, ղիվանագի- տական միջոցներ և այլն, սակայն անսասան մնացին բերդում հավաքված ու համախմբված հայ, վրացի ու ադրբեջանցի մարտիկները։ Օձնեցին, նկարագրելով բերդի կայազորի և բնակչու- թյան հերոսական ղիմադրությունը, ուշագրավ մանրամասնություններ է հաղորդում նաև բնակ- լւթյան սյն հաստվածի դառն ճակատագրի մասին, որը չկարողանալով ամրանալ բերդում, ապաստան էր գտել բերդը շրջապատող խոր ու անմատչելի կիրճերում։

Շուշվա պատերի տակ կրած իր պարտության համար Աղա-Մուհամմադ խանը վրեժխնդիր է լինում անգին ժողովրդից. իրեն հատուկ խարդախությամբ նա հաշտության պատրվակի տակ իր մոտ է հրավիրում կիրճերում թաքնված բնակչության ներկայացուցիչներին, թվով 52 մարդ. որոնց անմիջապես կալանավորում ու բանտ է նետում, իսկ բնակչությանը խարխուլությամբ կարո- ղանում է բռնել և թշել Պարսկաստանի խորքերը. արտաքսված ժողովրդի մի մասին հետագայում հաջողվում է մեծ տուժապանքների զնով կրկին դառնալ իրենց բնակավայրերը։ Արցախեցի մի ձերուհու պատմածի հիման վրա Օձնեցին նկարագրում է, թե ինչպիսի հերոսական պաշտպա- նողական ճակատամարտեր են մղել բերդում պաշարված 60 հայ մարտիկները, որոնք գուրս զալով բերդից, հանկարծակի հարձակումներ էին գործում թշնամու վրա՝ մեծ կորուստներ ու զո- հեր պատճառելով վերջինիս։ «Ի պաշարել բերդին յամրացելոյ անտի հայոց ի բերդն վաթսուն արք կորովիք, հետեակք և սուսերամերկք բազում վնաս և տառապանս հասուցանէին արքունի ղօրաց պարսից հարկանելով յափշտակէին զպաշար և զկարասիս զօրաց նոցա, որոց յոյժ վշտացեալ Մուհամմադ Շահ հրամայէ ամենայն զօրաց իւրոց որք էին իրրև ութսուն հազար ամենայն արթնութեամբ ի դարան մտանել և ածէ ընդ բոամբ զվաթսունս։ Ապա հազիւ թէ կա- րացին այնպէս զերեսունս ի նոցանէ սպանանել և երեսունքն փախեալ ամրացան ի բերդն»²⁹։

Ավանդարար պատմում են, որ երբ Աղա-Մուհամմադ խանին շի հաջողվում գրավել Շուշի բերդ-ամրոցը, նա Իբրահիմ խանին է ուղարկում իր բանակում գտնվող սեյիդ Մուհամմադ Ուրֆի կռվող բանաստեղծի հետևյալ պարսկերեն թառյակը.

Տեկուն Բեզ Բուրին Դերկնից Բաբանաց,
Այլ դու յիմաբեալ կաս ընդդիմակաց,
Յայդ ի յապակի ի նիւր ղիւրաբեկ
Պահել զսմբութիւն փախուստ պարսպեաց։

Իբրահիմ խանը իր պալատական բանաստեղծ Մուլլա Փանահին հանձնարարում է գրել պա- տասխան, որը նույն թղթի մյուս երեսին գրում է հետևյալ երկտողը և ետ ուղարկում.

Ձի րէ նա է պաճասլան իմ զուր ես զիտեմ,
Զի ի ծոց Բաբանց պահել ուրպէս ղիտեմ³⁰

Աղա-Մուհամմադ խանը համոզվելով, որ անհնարին է Շուշիի գրավումը, որոշում է առժա- մանակ թողնել այն և Գանձակի վրայով շարժվում է դեպի Վրաստան։

Բազմաթիվ վկայություններ կան այն մասին, որ վրաց Հերակլ արքան ու Ղաթարաղի Իբրա- հիմ խանը, ինչպես և Անդրկովկասի այլ խաներ, դաշն էին կնքել ընդհանուր ուժերով ղիմադրելու.

²⁸ Նույն տեղում, էջ 85ա—85բ։

²⁹ Նույն տեղում, էջ 80ա, 80բ։ Տե՛ս նաև Մատենադարան, ձեռ. № 2734, էջ 15։

³⁰ Նույն տեղում, էջ 83ա, տե՛ս նաև Մատենադարանի № 4463 ձեռագիրը՝ «Որպիսութիւնք խանացն Գանձակալ», էջ 17—22, ինչպես նաև А х м е д - б е к Д ж е в а н ш и р, О политическом существовании Карабахского ханства с 1747 по 1865 года, Илуша, 1901, էջ 247։

Աղա-Մուհամմադ խանին՝ «Քանգի արքան Հերակլ — գրում է Օձնեցին, — որ ժողովեալ էր գնդակտան հազար վրացի, հայ և տաճիկ (իմա՝ ադրբեջանցի—Ռ. Տ.) զօրս բանակ եղեալ նստէր ի վերայ Իջնայ դետոյ, շունէր վասն նոցայ բաւական պատրաստութիւն պաշարաց. վասն այն հրաման ետ հայոց և տաճկաց ես և ոմանց վրացւոց երթալ ժողովել յամուր տեղիս ղինչս և զգիրդաստանս իւրեանց, պահելով առ ինքն միայն զվեց հազար զօրս ի վրացւոց»³²։

Աղա-Մուհամմադ խանի Անդրկովկաս կատարած արշավանքի նախօրյակին Վրաստանը ապրում էր տնտեսական ու քաղաքական ճգնաժամ։ Ֆեոդալական անընդմեջ ընդհարումների հետեանքով, մասնավորապես արքայորդիների կենտրոնախույս ձգտումների պատճառով, Հերակլ արքան հնարավորութիւն չունեցավ կազմակերպել երկրի ռազմական ուժերը՝ թշնամուն հակա-հարկած տալու համար³³։ Ինչպես ժամանակակիցներից շատերը, Վարդան Օձնեցին ևս մեղա-դրական խոսքեր է ասում Հերակլ արքային ու նրա ողջ տոհմին՝ երկրի պաշտպանութեան հար-ցերով ժամանակին չմտահոգվելու համար։

Ավելին, Հերակլ արքայի ու վրաց ավագանու կողմից այնքան էին թերագնահատված թշնա-մու ուժերը, որ ժողովրդի մեջ արհամարհանք գոյութիւն ունէր դեպի նա։ Այդ ևս չի մոռանում հիշել մեր հեղինակը. «Բայց բնակիչք Տփլիս քաղաքի ոչ ինչ համարելով դարհաւիր և զերկիւղ Արքային պարտից, ծաղր առնելով զնա յարմարեալ ի վերա նորա զերգս կատականաց ասէին Մահմուդ խանն Գալիսայ, ներքինի և Լալիսայ։ Այսպէս քամահարելով զնա, մոռացեալ էին զահ և զերկիւղն Աստուծոյ, վասն զի եկեալ հասեալ էր ի վերա նոցա օր բարկութեանն Աստուծոյ, բայց նոքա ննչեալ ի քունս մեղաց իւրեանց ոչ զդաստացեալ ապաշաւէին փոխանակ հսկման և աղօթից ի գինարրուս վաճառաց և ի թատերս խաղուց վազէին, մինչև եհաս ի վերայ զկատա-րած նոցա ողորալի օրինակաւ որպէս լուիցես»³⁴։

Հերակլ II-ը որոշում է թշնամուն դիմադրել Ինչա կոչվող գետի վրա, բայց որովհետև Ղազա-խի ու Շամշադնի բնակիչները հեռացել էին իրենց բնակավայրից, մի հանգամանք, որ կարող էր դժվարացնել վրաց զորքի պարենավորման գործը, նա թողնում է Ղազախ-Շամշադիներ և ամ-բանում Թիֆլիսի պարիսպների տակ. «Վասն այսորիկ թողեալ ղկամուրջն կոտրած փութացեալ մտին ի քաղաքն Տփլիս ամրափակեցին զկիրճս քաղաքին վառեալ ամենեքեան ի ռազմ»³⁵։

Մինչ Աղա-Մուհամմադ խանի Բիֆլիս քաղաքին մոտենալը բնակչութիւնը խուճապի էր հասնում. շատերը, անցնելով Կովկասյան լեռները, փախչում էին դեպի Մոզդուկ քաղաքը, մի ասն էլ՝ Ախալցխայի ու Ղարսի կողմերը։ Խուճապին նպաստեց և այն, որ թագուհի Դարիսն շտապեց դուրս գալ քաղաքից ու թաքնվել Անանուրի լեռներում։ Յուրաքանչյուրը մտահոգված էր իր անձի փրկութեամբ և աշխատում էր որքան հնարավոր է հեռու մնալ ռազմական գործողու-թյունների թատերարենից։ Օձնեցին գրում է. «...Միանգամայն հրաման տուեալ (Հերակլը—Ռ. Տ.) զերդաստանաց պալատի իւրոյ և ամենայն բնակչաց Տփլիս քաղաքի զի որ ոք և կամե-ցի ելեալ ի Տփլիսայ զնասցէ յամուր տեղիս Վրաստանաւ, ելեալ յայնժամ Դարիայ թագուհին վրաց ի Տփլիսայ ամենայն զերդաստանօք իւրովք ամրացաւ ի լեռն Թրիալեթ, զնացին ընդ նմայ սակաւք ոմանք ի քաղաքացեաց անտի»³⁶։ Յայնժամ ելանէ ընդդէմ նորա Հերակլ արքայ վեց հազարաւ կացուցեալ յաջ թևին զքաջ Սպարապետն Օրբելեանց զԹամազ Էշիկաղապաշին ի ձախմէ զթնդանօթապետ զօրաջ գէաւիթ թողն իւր որդի Գէորգայ որդւոյ իւրոյ անդրանկանն և ինքն Հերակլ ունէր զմիջին կողմն թիկնապահօք»³⁷։

Սկսվում է ահեղ ճակատամարտ վրաց ու պարսից զորամասերի միջև։ Չնայած անհավա-սար ուժերին, վրաց զորամասերը (հատկապես առաջապահ գունդը) հերոսաբար պաշտպանվում են՝ տեղ-տեղ անցնելով հակահարձակման։ Այդ ճակատամարտում վրացիները շորս անգամ հետ-են շարտում պարսիկների գրոհները, իսկ երբ արքայազն Վախթանգի առաջնորդութեամբ մարտի մեջ են մտնում Արագվայի ափերի բնակչութիւնից օգնութեան հասած խիզախ մարտիկները, վրացիներին հաջողվում է նույնիսկ մտնել թշնամու զորամասերի մեջ, հասնել դրոշակակիրնե-րին և Աղա-Մուհամմադ խանի աչքի առաջ վերցնել դրոշակներից մի քանիսը։ «...Այսպէս սկսաւ

31 Мирза - Адигезаль - Бек, Карабаг-Наме, Баку, 1950, էջ 77։

32 Մատենադարան, ձեռ. № 4331, էջ 83ա։

33 Г. В. Хачатуридзе, К истории Грузии первой половины XIX века, Тбилиси, 1950, էջ 41։

34 Նույն տեղում, էջ 86։

35 Նույն տեղում, էջ 86բ։

36 Նույն տեղում, էջ 85բ—86ա։

37 Նույն տեղում, էջ 86բ—87ա։

զօրօք սաստիկ հարուածու հասուցանէր Հերակլ այնքան բազմութեան զօրաց պարսից և ի ծերութեան հասակի անձամբ զմարտն մճարէր³⁸։

Սակայն, ինչպես ասվեց, վրաց թագավորի և մերձավորների հանցանքով բարձիթողի էր արվել երկրի պաշտպանության դործը, դրան գումարած և այն, որ ուսնները չէին շտապում կատարել իրենց խոստումը՝ համաձայն 1783 թ. կնքված փոխադարձ օգնության պայմանագրի։ Դա տի և մարտերը վերջանում են թշնամու հաղթանակով. «...և տեսեալ զտկարութիւն զօրաց իւրոց տարակուսեալ ընդ կրունկն յետս փախչիլ հնար էր զի ի պահու առաւօտու մինչև մերձ Լրեկոյ անդադար զմիմեանս հարկանէին, զի ծերութիւն նորա ոչ ներէր նմայ այնքան»³⁹։

Աղա-Մուհամմադ խանի համար անսպասելի էր վրացիների այդքան արիարար կովելը. օրվա վերջում նա հարկադրված է լինում մարտի հանել Մազանգարանի պահեստային զորամասերը, կազմակերպում է պատժիչ ջոկատներ, հրամայում ոչնչացնել այն զինվորներին, որոնք կփորձեն կրունկ ցույց տալ, մի այլ դեպքում փորձում է կաշառել, խոստանալով ավար ու գերիններ⁴⁰։

1795 թ. սեպտեմբերի 12-ին (հին տոմարով) պարսիկների դեմ մզված առաջին ճակատամարտում փաստորեն հաղթող են հանդիսանում վրացիները՝ ճակատամարտից հետո, երեկոյան դեմ, երբ մառախլապատ երկինքը պարզվում է, Կոչոր լեռան վրա գտնվող պարսիկներին հայտնի է դառնում վրաց զորքի սակավաքանակ լինելու փաստը. ոգևորված, նրանք Սուլուկի վրայով թափվում են քաղաք։ «Եւ մերձ երեկոյեան,— գրում է Օձնեցին — յանկարծ անցեալ ի բաց մղեաց հողմն զմառախուղն մթապատ և երեկեաց զտկար զօրութիւնս վրաց... և զօրք վրաց յոյժ սակաւաթիւ, որ իսկոյն փութացեալ ծանուցանեն արքային պարսից և զօրաց նորայ, որք քաջալերեալ զմիմեանս շրջապատեն լեռամբ Կօճոռայ ձախթեն զօրաց պարսից անկեալ ի վերայ աջ կողման վրաց ուր էր հրամանատար սպարապետ Օրբէլեանց պատառեալ զնոսա ընդմէջ ի փախուստ գարծուցանեն, զոր տեսեալ Հերակլ արքայ աճապարեաց զանձն ապրեցուցանել զարծուցեալ զերեսս ի փախուստ, որոց զհետ մտեալ պարսիկք մինչև ի դուռն քաղաքին գնացին ի Սէյդարաթ, բայց փակեալ տեսին զայն դարձեալ անդրէն զառ ի վեր վազելով ի կողմն Սօլուկի իրրև զկարկուտ թափեցան ի քաղաքն ընդ դուռն թափի-թաղի որ բաց թողեալ էր վասն անդէն ելանելոյ և փախչելոյ քաղաքացւոց։ Իսկ Հերակլ արքայն վրաց փախուցեալ սակաւ արամբք լանց ընդ կամուրջն ի Հալուրար և անդէն անցեալ փութանակի գիւղն Դուշէթ»⁴¹։

Ներխուժելով քաղաք, Աղա-Մուհամմադ խանի զորքերը վախենում են գիշերել այնտեղ. նրանք թողնում են քաղաքը, վերադառնում Սոգանլուղ, ուր կենտրոնացած էին նրանց զխափոր ուժերը։ Հաջորդ օրվա լուսարացին վերսկսվում է զրոհը. պարսիկները մտնում են քաղաքը, սլվերում այն և ընակիչներից շատերին գերեվարում։

Հետաքրքիր մանրամասնություններ է հաղորդում Օձնեցին Թիֆլիսից գերված ժողովրդի ճակատագրի մասին։ Աղա-Մուհամմադ խանը, ինչպես խոստացել էր նախապես, գերիներին բաժանում է իր զինվորներին, որոշ մասը իր հետ տանում է Իրան, մի մասն էլ վաճառվում է Ուրևանում, Կարինում, Ախալցխայում և այլուր։ Այսպես, օրինակ՝ էջմիածնի վրայով գերիներին տանելու ժամանակ Ղուկաս կաթողիկոսն ու էջմիածնի միաբանները փրկագնում են 80 գերիներ։ Պարսիկները գերեվարում են նաև Թիֆլիսի հայոց հոգևոր առաջնորդ Մարտիրոս վարդապետին, բերում Սրևան, այստեղ նրան ճանաչում է մի ոմն տաճիկ Հաջի Ջաֆար անունով, ազատում է վարդապետին և ուղարկում էջմիածին, սակայն նա մեռնում է էջմիածին շահսած, չօրհնված վանքում։ Օձնեցին խոսում է նաև Թիֆլիսից գերեվարվածների քանակի մասին, որը համոզիչ դարձնելու համար վկայակոչում է Ռուսաստանի հայոց հոգևոր առաջնորդ Լովսեփ Արզուբյանի տշխատությունը. «Եղև թիվ կոտորածի ընակչաց Տփլիս քաղաքի ի հայոց և վրաց ութ հազար անձանց և գերելոցն տասն և վեց հազար, հաւաստին սորա հաշուեալ ի տիպ արձանացոյց Յովսէփ արքեպիսկոպոսն Արղութեանց ի տպարանի նոր նախիջևանայ, Թուսիոյ 1797 ամի զոր ոչ կարացաք ի ձեռս բերել»⁴²։

Յոթ օր Թիֆլիսը ավերելուց և կողոպտելուց հետո Աղա-Մուհամմադ խանը թողնում է այն և իր զորքերով շարժվում է դեպի Մուզանի դաշտը՝ ձմեռելու։ Իջեանելով այստեղ, նա իր մոտ

38 Նույն տեղում, էջ 87ա։

39 Նույն տեղում, էջ 87ա։

40 Տե՛ս նույն տեղում, էջ 86ր։ Տե՛ս նաև «Очерки истории СССР» (XVIII в., вторая половина), М., 1956.

41 Նույն տեղում, էջ 87ա—87ր։

42 Նույն տեղում, էջ 89ր։

է կանոնում Երևանի խանին. և որովհետև ընդունված չէր ձեռնունայն ներկայանալ, ուստի «առնու Մահմադ խան (Երևանի—Ռ. Տ.) ի Ղուկաս կաթողիկոսէն զընծայս վասն շահին զերկու հարիւր թուման և զեօթն ջորիս, որ յետ յօժարութեամբ իւրով և ինքն պատրաստեալ զընծայս ելեալ զնաց ի կող շահին ի Մուղան, մատոյց շահին զընծայս իւր և կաթողիկոսի որոշեալ անուամբ և ընկալեալ ի նմանէ զպատանդ կին և զորդի իւր և զիշխանութիւն երկրին Արարատայ դարձաւ յԵրևան»⁴³։ Վերադառնալով Երևան, Երևանի խանը հայտնում է կաթողիկոսին, որ ինքը շահին խոստացել է ևս 100 ուղտ, որից 14-ը պետք է տա կաթողիկոսը։

Մուղանի դաշտում Աղա-Մուհամմադ խանը ձեռնամուխ է լինում իր նվաճողական պլանների իրագործմանը. «Տարածեաց ձեռն իւր ի վերա Շամախու և Նախուայ՝ որ ասի Շաքի—Շիրուան հնազանդեցուցանել զնոսա»։ Բայց նշված վայրերի բնակիչները, ասում է Օձնեցին, ժամանակին ամենայն պատրաստութեամբ մտել էին իրենց ամրոցներու Պարսից զորքերի կողմից նրանց պաշարելն անօգուտ է անցնում և երբ Աղա-Մուհամմադ խանի զորքերին չի հաջողվում նվաճել նշված ամրությունները, նրանք այրում և ավերում են անապատան վայրերը և վերադառնում են Մուղան⁴⁴։ Շամախու և Նուխու համար մղած մարտերում կրած պարտությունից հետո Աղա-Մուհամմադ խանը ցասկոտ հրամայում է՝ «կապեալք ձեռք և ոտիւք պրկել ի զետնի զվեց հարիւր ցաւազար և ծերացեալ զերիս զոր ընդ ինքեան ածեալ էր ի Տփիս քաղաքէ, տա զնոսա անդ սմրակոխ առնել ձիոց և ջորոց մինչև ոգեսպառ կատարեցան ի Քրիստոս»⁴⁵։ Զբաղարարվելով Թիֆլիսից բերված 600 զերիներին սմրակակոխ անելով, նա հրամայում է «չինել կրավանգ զուղղագիծ որմն միակողմանի և ի նմայ ծակս յիսուն երկու հանգոյն մորոց ձիաստանի այնքան նեղագոյն, յորում հազիւ մտցէ միայն զլուխ մի մարդոյ և անցուցեալ ի նմայ զզլուխ յիսուն երկու հայ իշխանաց, զոր խարէութեամբ կալեալ կապեալ էր, ի պարանոց նոցա կապեալ և ռապատկեալ ճոպան, հանգուցիւք ամրացուցեալ ընգյազիս ամենի զորոց տա հարկանել զջորիս հատեալ զզլուխս նոցա կատարեցան ի Քրիստոս»⁴⁶։

1796 թ. մարտ ամսին Շիրազի բնակչությունը ապստամբում է Աղա-Մուհամմադ խանի դեմ։ Նա շտապում է Նիրազ՝ ձեռնելու իր դեմ ծագած այդ ապստամբությունը։

Անհետաքրքիր չէ նաև Օձնեցու այն տեղեկությունը, բայց որի Թիֆլիսը պարսիկների կողմից ավերվելուց հետո Հերակլ արքան հնարավորություն չի ունենում այնտեղ վերադառնալու՝ քաղաքում մի կանգուն չենք չլինելու պատճառով։ Իսկ քանի որ արքունիքը ֆինանսական ազնաժամի մեջ էր գտնվում և զուրկ էր պալատներ կառուցելու հնարավորությունից, նա մնում է Բելվալում, պատրաստել տալիս մի քանի անշուք սենյակներ, ուր և ապրում է մինչև իր կյանքի վերջը։

Աղա-Մուհամմադ խանի անորինակ դաժանությունների շարքից Օձնեցին հաղորդում է ևս մի փաստ։ Երբ նրան լուր է հասնում, որ Հերակլ արքան ու Իրրահիմ խանը պաշարել են Գանձակի բերդը. հրամայում է Նախիջևանի և Երևանի խաներին՝ անմիջապես օգնության հասնել Գանձակի Ջավադ խանին և Մելիք Մելչումին։ Սակայն սրանք տեղեկանալով Ջավադ խանի և նրա երկու ազատակորյուների միջև արդեն կնքված հաշտության մասին, վերադառնում են իրենց երկրները։ Բայց արյունարբու շահը չի հանդուրժում Նախիջևանի Քյալը Ալի խանի հապաղումը և իր մոտ արավիրելով նրան՝ կուրացնում 

1795 թ. օգոստոսին Աղա-Մուհամմադ խանի հրոսակախմբերի արշավանքներից հետո անդրկովկասյան երկրներում սաստիկ սով ու համաճարակ է սկսվում։ Սովը ահավոր շափերի էր ասել Արցախում, Սյունիքում և Գանձակում. այդ էր պատճառը, որ նշված վայրերի բնակիչները տեղից-տեղ էին գաղթում փրկվելու համար սովի ճիրաններից։ Նրանցից շատերն անցան Վրաստան, Սոմխեթի (Լոռի), Երևան, Ղարս, Մոզդուկ, Ղղար, միջինասիական երկրներ։ Հետաքրքիր են ժամանակակիցների պատմածները այն մասին, որ Վրաստան և Սոմխեթի գաղթածներից շատերը դարձել էին վրաց թագավորների ճորտերը։ «Ի վտյուխըդ անտի.— գրում է Օձնեցին.— տեսաք մեկ զոմանս ուր պատմեցին մեզ զսասուկութենէ սովոյն որք վաճառեալ էին ի ծնողաց իւրեանց ի Վրաստուն վասն հացի, զի մեկ անձն արու պատանեակ վաճառեալ էր երեսուն հօխայ կորեկի, զոր յսուրու սևը վնոդն վաճառեաց այլում երեք հարիւր մանեք սեփալի. ևն ի նոցանէ որք տան զգինս իւրեանց տեառն և ազատեն վանձինս, և են որք բողոքեն ի դատարանս տէրութեան վասն անպարտ պարտաւորութեան իւրեանց և բազում ծախիւք իրրև

43 Նույն տեղում։

44 Նույն տեղում, էջ 90ր։

45 Նույն տեղում, էջ 90ր։

46 Նույն տեղում, էջ 90ր—91ա։

օրինօք աղատին ի ձեռաց տևարց իւրեանց են և բազումք ի նոցանէ, որք այժմ տակաւին ծառայեն նոցա որդոց յորդիսս⁴⁷։

Թիֆլիս քաղաքն ավերվելուց հետո, երբ Հերակլ արքան հրաշքով ազատվում է թշնամու ձեռքից, նա կրկին խնդրում է ոուսական կայսրության օգնությունը։ Սակայն հովանավորող Ռուսաստանի օգնությունը ուշացավ, ոուսները Վրաստան մտան միայն 1795 թ. դեկտեմբերի 15-ին։ Ռուսական արքունիքը չէր շտապում ընդառաջել Հերակլ արքայի խնդրանքին և Կովկասյան գծի հրամանատար Գուրգուլի միջնորդությունը՝ Վրաստանին օգնության հասնելու համար։ Պատմագրությունը ոուսների հապաղումը բացատրում է այն բանով, որ Ռուսաստանն ստիպված էր հաշվի առնել Ռուրիկայի կարծիքը, որը թշնամարար էր նայում ոուսական զորքի առաջխաղացմանն Անդրկովկասում։ Մյուս կողմից՝ միջազգային հարաբերությունների խճճվածությունը՝ կապված է հաստատան բաժանման հետ, հիմք էին ծառայում Ռուսաստանի զգուշավոր քաղաքականության համար։ Օձնեցին հետևյալ կերպ է նկարագրում ոուսական զորքերի ժամանման հանգամանքները։ «Ի սմին ժամանակի հազիվ թէ հասին զօրք ոուսաց օգնութիւն արքային վրաց զոր խնգրեալ էր Հերակլ ի յաւերման Տփլիսայ, քանզի ըստ հրամանի կայսրուհւոյն ընդ հրամանատարութեամբ գեներալ Օտինֆանտերի գրաֆ Վալերիանէ Զուբովոյ վաթսուն հազար զօրք ոուսաց անցին ընդ ծովն Կասպից յԱղուանստան (իմա՝ Աղվանք—Ռ. Տ.), տիրեցին ծովեզերեայ քաղաքացն Դարբանդայ, Բաքուայ և հասնաւ ի Շամախի քաղաք ձմեռեցին ի Սալեան և ի Գանձակ. ընդ նոսա էր հայոց առաջնորդն Ռուսաստանու Յովսէփ արքեպիսկոպոսն Արղութեանց, որ անդէն մեկնեալ ի նոցանէ երթայ ի տեսութիւն հայրենի քաղաքն Տփլիսայ»⁴⁸։ Օձնեցին հաղորդում է նաև մի ուշագրավ տեղեկություն, որ իբր 1797 թ. ապրիլի 10-ին մտնելով Թիֆլիս, Հովսէփ Արղությանը ականատես է լինում, թե ինչպես արհավիրքից փրկված բնակչությունը կրկին դառնում է իր սիրելի քաղաքը և լծվում նրա վերաշինության գործին։ 15 օր մնալով Թիֆլիսում, Արղությանը ուսումնասիրում է Թիֆլիսի ավերման փաստերը, շարադրում դրանք և տպագրում նոր նախիջևանի իր տպարանում։ Օձնեցու այս տեղեկությունը կարոտ է ճշգրտման։

Ռուս զորավար Զուբովի հաղթական արշավանքը դեպի Անդրկովկաս անսահման ուրախություն պատճառեց տեղական հայ, վրացի և ադրբեջանցի բնակչությանը, տեղական խաները ևս շտապում են իրենց հավատարմությունը հայտնել։ «Ընծայարեք լինէին տիրողքն երկրին յայնմիկ», ի թիվս որոնց և 'չարարադի խանը, որը ընծաներով և ոուսական կայսրության նկատմամբ իր հավատարմությունը ներկայացնող հատուկ վավերագրով իր որդի Արղուլ Ֆաթիհ խանին ուղարկում է Զուբովի մոտ։ Նա արժանանում է կայսրուհու ողորմածությանը և ստանում թանկագին ականեղենով զարդարված մի գավազան՝ Շուշիի գիտնական Ախունդ մուլլա Փանահին հանձնելու համար⁴⁹։

1796 թ. նոյեմբերի 6-ին մահանում է Նկատերինա II կայսրուհին։ Նրա մահից ուղիղ մեկ ամիս անց Կովկասյան հրամանատարությունը կարգադրություն է ստանում դադարեցնել ռազմական գործողությունները։ Անդրկովկասում գտնվող ոուսական զորամասերը ետ են կանչվում։ Պավել I կայսրը զանազան քաղաքական նկատառումներով հրաժարվում է Անդրկովկասում ակտիվ քաղաքականություն վարելուց։

Ռուսական զորքերի հեռանալուց հետո Պարսից շահը ծրագրում է կրկին արշավել դեպի Անդրկովկաս։ Նախապես հատուկ սուրհանդակ է ուղարկում Հերակլի մոտ, պահանջելով անվերապահ հպատակություն։ Օձնեցին մանրամասն նկարագրում է, թե ինչպես, երբ Պարսից սուրհանդակը ժամանում է Թիֆլիս, ժողովուրդը ցասումով քարկոծում է նրան։ Հերակլի խնդրանքով Վրաստանում թողնված ոուսական զորամասի հրամանատար Նելիդովը հազիվ է կարողանում սուրհանդակին փրկել վրեժխնդիր ժողովրդի ձեռքից։

1797 թ. մայիսի վերջերին Աղա-Մուհամմադ խանը մեծ զորաբանակով նորից շարժվում է դեպի Անդրկովկաս։ Մտնելով Ադրբեջան, նա մտադրված էր առաջին հերթին մահապատժի ենթարկել Բաքվի և Գանձակի խաներին՝ նրանց ոուսական կողմնորոշման, Զուբովի արշավանքի ժամանակ ոուսներին ցույց տված ջերմ ընդունելության համար։ Ադրբեջանի խաներին ծնկի բերելուց հետո նրա առաջնահերթ խնդիրն էր՝ կրկին արշավել ավերված Վրաստան և վերջնականապես նվաճել այդ երկիրը։

Ադրբեջանի խաները մոտաւուտ կործանումից փրկվելու համար դավադրություն են սարքում Աղա-Մուհամմադ խանի անձի դեմ և պալատական ծառաների միջոցով սպանել են առա-

47 Նույն տեղում, էջ 92ա։

48 Նույն տեղում, էջ 92ա—92բ։

49 Նույն տեղում, էջ 93ա։

լիս նրան: Հետաքրքիր մանրամասնություններ է պատմում Օձնեցին այս դավադրության նախապատրաստման և իրագործման մասին:

Այնուհետև Օձնեցին նկարագրում է Աղա-Մուհամմադ խանի գործերի խուճապահար փախուստը դեպի Պարսկաստան. Շուշիի բնակչությունը հետամուտ է լինում պարսից հրոսակախմբերին, խլում այն ամենը, ինչ նրանք ավար էին առել իրենց երկրից, իսկ Իբրահիմ խանի եզրորդորդին՝ Մուհամմադ բեկը տիրանում է պարսից շահի գանձերին՝ իրրե երկրի տերն այդ օրերին, ապա Աղա-Մուհամմադ շահի գլուխը ոմն Թաֆթրեկի ձեռքով ուղարկում է Բելաթյան, ուր գտնվում էր Իբրահիմ խանը, որն իր հերթին ուղարկում է այն Հերակը II-ին իբրև հաղթանակի նշան:

* * *

Վարդան Օձնեցու տեղեկությունները 1795—1797 թթ. պարսիկների Անդրկովկաս կատարած արշավանքի մասին, մեր կարծիքով, սկզբնաղբյուրի ուժ ունեն: Նրանք հավաստում, լրացնում և կամ նոր խոսք են ասում անդրկովկասյան ժողովուրդների պատմության այդ կարևոր ժամանակաշրջանի մասին:

Վարդան Օձնեցու այդ աշխատություններում պարզորոշ ընդգծված են պարսից արշավանքի նախօրյակին անդրկովկասյան ժողովուրդների միմյանց շուրջը համախմբվելու, օտար նվաճողի, դեմ նրանց մղած միասնական պայքարի, նրանց դեպի Թուրքաստանը կողմնորոշվելու հետ կապված հարցերը:

1795—1797 թթ. Անդրկովկասում տեղի ունեցած ավերածությունները, կողոպուտներն ու գերեվարությունն ավելի քան աներկբա դարձրին այդ ժողովուրդների համոզմունքը ռուսական կողմնորոշում ընդունելու խնդրում, որի պատմական զարգացումը ի վերջո հանգեցրեց նրանց ազատագրությանը պարսկա-թուրքական դարավոր դաժան լծից: